

聖王濟總錄

二十一

庫文閣内

三三 漢

内閣文庫	
番號	漢 12609
冊數	200 (26)
函號	300 212

0 1 2 3 4 5 6 7 8 9 cm

Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

G Y M

© Kodak, 2007 TM: Kodak



大學東
校典籍
局之印

大德重校聖濟總錄卷第二十一
傷寒門

傷寒可汗

傷寒可下

傷寒可吐

傷寒可溫

傷寒過經不解



總錄二十一

其病體熱目疼鼻乾不得卧其脉尺寸皆太陽明不已
傳於少陽其病胸脇痛而耳聾其脉尺寸皆長少陽不
已太陰受之其病腹滿體重其脉尺寸俱微太陰不已
少陰受之其病口燥舌乾而渴或背微惡寒其脉尺寸
俱沉少陰不已厥陰受之其病煩滿舌卷囊縮其脉尺
寸俱緩病之所傳不過三陽三陰而已其未滿三日者
邪在陽經未入於裏其病在表宜汗之而愈若經四日
者邪入陰經其病在裏宜下之而愈特其大畧爾蓋有
一日而傳至數經者亦有數日而尙在太陽者陽病雖
宜發汗陽明之病反宜下之陰病雖宜下之少陰之病

或宜溫之由人之稟受虛盛其傳有遲速又有不傳經
者當審其脉證凡此六經受病五邪脉證各不同傷風
者必惡風其脉浮緩傷寒者必惡寒其脉浮緊以至傷
暑林虛傷濕脉濡人迎緊盛爲傷寒氣口緊盛爲傷食
診得五邪知其本也診得六經知其標也有病雖在表
而不可汗者或在裏而不可下者或若汗之太多則津
液燥竭遂致亡陽下之太早則邪氣動膈乃成結胸清
濁相干則變爲霍亂熱毒內瘀則變爲瘀血又或爲發
黃者濕熱相蒸也或爲發斑者陽毒太盛也陽盛之人
得之於熱乃爲陽毒陰盛之人得之於寒乃爲陰毒蟲

動則為狐惑壞病之甚則為百合若勞復陰陽易之類
 雖差後猶宜節慎變態多端不可備舉當以類求之皆
 以適當為良唯二感之病表裏皆受邪為難治其他或
 陰證似陽陽證似陰或陰盛隔陽陽盛隔陰者在診病
 者以意詳之
 傷寒可汗
 論曰傷寒病汗之而愈者以初得病一日至三日陽經
 受邪未傳諸陰其邪在表故當發汗此大約也然病數
 日脉浮太陽證不罷者亦可汗之當以脉證為準凡頭
 痛發熱惡風振寒是為可汗之證其脉浮者是為可汗

之脉陽虛則惡寒脉浮為在表或浮而弱或浮而緊或
 浮大而數皆宜汗之衄家脉雖得之不可汗故內經曰
 其在皮膚者汗而發之
 治傷寒太陽病頭痛發熱身疼腰痛骨節疼痛惡風無
 汗而喘者麻黃湯方

麻黃

去根節

桂

去麤皮

甘草

炙剉

杏仁

去皮尖雙

右四味咬咀如麻豆大每服五錢匕水一盞半煎至
 八分去滓溫服覆取微汗不須啜粥餘如桂枝法將

息

治傷寒太陽中風脉緊發熱惡寒身痛不汗出而煩燥者大青龍湯方

麻黃去根節陸兩 桂去麤皮 甘草炙剉各兩

杏人去皮尖雙 生薑參兩 棗大者拾枚

石膏煑雞子大碎

右七味咬咀如麻豆大每服五錢匕水一盞半煎至八分去滓溫服脉微汗出惡風者不可服
治傷寒太陽病得之八九日如瘧狀發熱惡寒熱多寒少其人不嘔清便一日二三度脉微緩者為欲愈也脉微而惡寒者此陰陽俱虛不可更發汗更下更吐也面

色反有熱色者未欲解也以其不能得小汗出身必痒屬桂枝麻黃各半湯方

桂去麤皮 芍藥 生薑切

甘草炙 麻黃去根節 大棗擘

杏人去皮尖雙

右七味咬咀如麻豆大每服五錢匕水一盞半煎至八分去滓溫服

治傷寒太陽病外證未解脉浮弱者當以汗解宜桂枝

湯方

桂去麤皮 芍藥 生薑各參兩

甘草象貳兩

大棗拾貳枚

右五味咬咀如麻豆大每服五錢匕水一盞半煎至

八分去滓溫服須臾啜熱稀粥助藥力取微汗

治傷寒少陰病得之二三日宜微發汗以二三日無證

故微發汗也麻黃附子甘草湯方

麻黃去根節

甘草象各貳兩

附子壹枚炮裂去皮臍

右三味咬咀如麻豆大每服五錢匕水一盞半煎至

八分去滓溫服

治傷寒初覺一二日頭項腰脊痛惡寒葱豉湯方

葱白拾肆莖

豉半合炒

乾薑炮壹分

麻黃去根節

桂去麤皮

芍藥各半兩

右六味咬咀如麻豆大每服五錢匕水二盞煎至一

盞去滓溫服良久投葱豉熱粥蓋覆出汗

治傷寒服葱豉湯後未得汗再服葱粥方

葱白

壹拾莖并頭切

豉參合炒

生薑半兩拍碎

右三味用水五盞煎至二盞半去滓入白米依常法

煮粥入少鹽攪勻任意食之衣覆出汗未汗再服

治傷寒初得一二日出汗麻黃葛根湯方

麻黃去根節壹兩半

葛根剉

芎藭去苗各壹兩

芍藥參分

右四味麤搗篩每服五錢匕水一盞半豉一百粒開口椒一七粒連須葱白三寸薄荷二十葉同煎至八分去滓熱服服後葱豉湯一盞投之衣覆取汗汗未快再服

治傷寒初覺煩熱頭疼脚痛解毒湯方

柴胡去苗半兩 黃芩去黑心 荆芥穗各壹分

右三味剉如麻豆大每服五錢匕水一盞半生薑一棗大拍碎煎至八分去滓入生地黃汁一合白蜜半匙更煎三五沸熱服

治傷寒初覺頭痛惡寒壯熱腹內熱脉洪大一二日宜

葛根湯方

葛根剉 黃芩去黑心 芫胡去苗各半兩

葱白伍莖 豉壹合炒

右五味咬咀如麻豆大每服五錢匕水二盞生薑一棗大拍碎煎至一盞去滓溫服良久再服得汗即止

治傷寒初患一二日體熱頭痛麻黃解肌湯方

麻黃去根節壹兩 石膏碎 葛根剉各壹兩半

甘草炙壹分半 芍藥 杏仁湯浸去皮尖雙入炒各半兩

兩 桂去麤皮參分

右七味麤搗篩每服五錢匕水一盞半生薑五片煎

至八分去滓溫服

治傷寒一二日頭疼壯熱偏身疼痛其脉洪數葛根湯

方

葛根剉

白朮

芍藥

乾薑炮各二兩

麻黃去根節

桂去粗皮各參分

甘草炙壹分半

右七味麤搗篩每服五錢匕水一盞半煎至八分去

滓熱服如脉微即加附子半兩

治傷寒三日發汗神丹丸方

人參

白茯苓去黑皮

半夏湯洗柒遍炒各壹兩壹分

附子

炮裂去皮臍

烏頭

炮裂去皮臍各壹兩

右五味搗羅為末入丹砂一分研勻鍊蜜和搗三五

百杵丸如大豆大每服三丸薄荷茶下令體中暍暍

然又以熱粥投之汗出即止

治傷寒初得一二日頭痛壯熱惡寒脉浮緊者石膏人

參解肌湯方

石膏碎

麻黃去根節各壹兩

芫胡去苗

人參各半兩

桂去粗皮

甘草炙各壹分

葛根剉兩

右七味麤搗篩每服三錢匕水一盞入葱豉生薑煎

至七分去滓熱服不拘時

治傷寒三日已前表證不除芫胡湯方

芫胡去苗半

麻黃去根

石膏各壹兩

甘草半兩炙

右四味麤搗篩每服三錢匕水一盞入鹽豉三十粒

蔥白二寸煎至六分去滓併三服汗出為度

治傷寒初病三日內脉浮有表證芎藭湯方

芎藭肆兩

蒼朮

壹斤半剉麩炒熟木口內杵去黑皮取淨者壹斤

藁本

去苗土壹兩

甘草

貳兩

右四味麤搗篩每服三錢匕水一盞生薑五片煎至

六分去滓稍熱併三服

治傷寒初得一二日至三日頭痛痰逆肢體煩躁惡風

身熱憎寒荆芥湯方

荆芥穗

肆兩

前胡

去蘆頭

旋復花

各參兩

甘草

貳兩

白朮

半夏

湯洗柒遍焙乾

麻黃

去根不去節

芍藥

各壹兩

右八味麤搗篩每服三錢匕水一盞生薑三片棗三

枚擘煎至七分去滓熱服不拘時

治傷寒二三日頭痛體疼發表五味桂枝湯方

桂皮去麤皮

葛根剉各壹兩

麻黃

去根節壹兩半

山梔子人兩半 石膏壹分

右五味麤搗篩每服三錢匕水一盞葱白一莖切豉三十粒煎至七分去滓熱服良久再服以葱白稀粥投之微汗即差

治傷寒三日內表證不解者五解湯方

麻黃去根節 貳兩 白朮壹兩 半 葛根剉

甘草炙 剉 山梔子人 桔梗炒

石膏碎 杏仁湯浸去皮尖雙 人 麩炒各壹兩

右八味麤搗篩每服三錢匕水一盞入葱白鹽豉同煎至七分去滓連併熱服不拘時汗出為度

治傷寒三日頭疼壯熱骨節痠疼白朮湯方

白朮 五味子 甘草

石膏各肆 兩 乾薑參 兩

右五味並生麤搗篩每服三錢匕水一盞鹽一捻煎至八分去滓連併熱服不問有汗無汗自解如傷寒挾冷腹痛加生薑三片棗二枚同煎

治傷寒頭痛發熱惡寒解表六味桂枝湯方

桂去麤 皮 麻黃去根 節 石膏

乾薑炮 白朮生 用 蒼朮米泔浸麩 炒各壹兩

右六味麤搗篩每服三錢匕水一盞生薑三片葱白

二寸豉七粒同煎至八分去滓熱服不拘時
治傷寒一日至三日頭痛壯熱煩悶其脉洪數人參湯

方
人參壹兩 白朮六分 甘草炙各半兩

麻黃去根 桂去蠹皮

右五味麤擣篩每服三錢匕水一盞生薑三片煎至七分去滓連併溫服不拘時衣覆出汗

治傷寒頭痛體疼寒熱不解十味人參湯方

人參 厚朴去蠹皮生薑汁炙 桂去蠹皮

甘草炙 杏仁湯浸去皮尖雙人炒 白朮

乾薑炮 白茯苓去黑皮 陳橘皮湯浸去白焙各壹兩

麻黃去根節湯煮掠去沫貳兩

右一十味麤擣篩每服三錢匕水一盞入生薑二片棗一枚擘破煎至七分去滓熱服纔覺傷風併三兩服汗出立差

治傷寒表不解頭痛體疼發汗羌活湯方

羌活去蘆頭 獨活去蘆頭 芫胡去苗

前胡去蘆頭 人參 白茯苓去黑皮

桔梗炒 芍藥 甘草炙各壹兩

枳殼去瓤炒貳兩

右一十味麤搗篩每服三錢七水一盞入生薑二片

薄荷少許同煎至六分去滓溫服不拘時候

治傷寒二三日頭痛肌熱煩躁不解四肢倦痛可汗香

木湯方

蒼木米泔浸一宿切焙貳兩 陳橘皮湯浸去白焙

防風切焙 麻黃去根節湯煮掠去沫焙乾

當歸切焙 桂去麤皮 甘草炙各壹兩

白茯苓去黑皮 吳茱萸洗焙乾炒 人參八分

厚朴去麤皮生薑汁炙 羌活去蘆頭各半兩

右一十二味除桂外剉碎慢火炒黃入桂同麤搗篩

每服三錢七水一盞入葱白一寸生薑二片同煎至

六分去滓溫服不拘時候

治傷寒一日至三日以前身熱脉大肢體疼痛汗不出

葱豉湯方

蒼朮米泔浸去皮剉麤炒黃 麻黃去根節湯煮掠去沫焙各

兩貳 甘草炙 桂去麤皮各壹兩

右四味麤搗篩每服三錢七水一盞入葱白三寸鹽

豉二十粒同煎至七分去滓熱服不拘時候

治傷寒表不解取汗前胡湯方

前胡去蘆頭 茈胡去苗 羌活去蘆頭

芎藭

人參

枳殼

去麩炒

甘草

炙

芍藥

各半兩

麻黃

去根節湯煮掠去沫焙壹兩

右九味麤擣篩每服三錢七水一盞入葱白三寸煎

至七分去滓熱服如要發汗更入薄荷三五葉同煎

服訖以厚被蓋覆如人行五里再服徐令汗透徧身

即旋去衣被避風若傷寒後餘毒未解潮熱往來數

服即解

治傷寒表未解氣脉閉塞津液不通水飲氣停在胸府

結而成痰膈腕否悶倚息短氣體重多唾頭目旋運嗜

臥好眠額角偏痛膝理開疎體常汗出消飲茯苓湯方

白茯苓

去黑皮

前胡

去苗

芎藭

羌活

去蘆頭

桔梗

炒

人參

獨活

去蘆頭

甘草

炙

芫胡

去苗各半斤

陳橘皮

去白肆兩

右一十味同擣羅爲散每服三錢沸湯點服不計時
候或判如麻豆用前件藥半兩水三盞煎至一盞半

去滓分溫二服

治傷寒頭痛惡寒發熱體疼倦前胡湯方

前胡

去蘆頭

羌活

去薄頭各陸兩

防風

去叉肆兩

桔梗炒參兩

薺芩去蘆頭兩

蛇蛻皮壹兩剪碎

陳橘皮湯浸去白焙兩

蟬殼淨去土兩

甘草炙剉壹兩

右一十味麤搗篩每服三錢匕水一盞入生薑三片

薄荷七葉煎至七分去滓溫服

治四時傷寒初覺桂心湯方

桂去麤皮

芍藥

甘草炙

葛根剉各等分

右四味麤搗篩每服四錢匕水一盞半生薑一片棗一枚擘同煎至八分去滓溫服

傷寒可下

論曰凡傷寒邪入於陰其病在裏法當下之諸腹滿不大便或口燥舌乾而渴或潮熱譫語皆為可下之證諸診得脉沉而實即為可下之脉但脉證已具不必拘以日數急宜攻裏若病雖過經而裏證未備者未可下也故經曰陽盛陰虛下之則愈其法謂此陽明病不吐不下心煩者可與調胃承氣湯太陽病三日發汗不解蒸蒸熱者可與調胃承氣湯傷寒吐後腹脹滿者可與調胃承氣湯方

甘草炙兩

大黃以清酒洗兩

右三味咬咀每服五錢匕水一盞半煎至一盞去滓入芒消一錢匕更煎一二沸溫服

陽明病脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已鞭也與大承氣湯若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令至大泄下大承氣湯方

大黃酒洗

厚朴去麤皮炙半斤

枳實熬炒伍枚

右三味咬咀每服五錢匕水一盞半煎至一盞去滓入芒消一錢匕更煎一二沸溫服

陽明病其人多汗以津液外出胃中燥大便必鞭鞭則讖語小承氣湯主之若一服讖語止者勿再服小承氣湯方

大黃肆兩

厚朴去麤皮炙貳兩

枳實熬炒大者參枚

右三味咬咀每服五錢匕水一盞半煎至一盞去滓

溫服初服湯當更衣不爾者盡飲之若更衣者勿服

治傷寒四日已後煩熱不解大小腸澀芫胡湯方

芫胡去苗

黃芩去黑心各壹兩

犀角鎊

芍藥各參分

山梔子人兩半

大黃細剉炒壹兩半

木通剉參分

朴消壹兩壹分

右入味麤擣篩每服五錢匕水一盞半入竹葉三七片同煎至一盞去滓腹空服大小腸通為度如未通再服

治傷寒十餘日熱結在裏往來寒熱者與大芫胡湯方

芫胡去苗半斤枳實肆枚炒黃芩去黑心

芍藥各參兩半夏貳兩半湯洗

大黃貳兩

右六味咬咀每服五錢匕水一盞半入生薑十片棗三枚去核同煎至一盞去滓溫服

治傷寒四日已後腹脹滿痛喘麤壯熱四味承氣湯方

大黃細剉醋炒兩枳殼去麤殼炒兩半朴消貳兩

甘草炙剉參分

右四味麤擣篩每服五錢匕水一盞半煎至一盞去

滓空腹溫服

治傷寒五日口乾頭痛大便澀黃芩湯方

黃芩去黑心山梔子人大黃剉醋炒各壹兩

陳橘皮湯浸去白焙壹分朴消壹兩

右五味麤擣篩每服五錢匕水一盞半煎至一盞去

滓溫服

治傷寒發汗不解蒸蒸發熱者調胃承氣加橘皮湯方

陳橘皮湯浸去白焙半兩

大黃剉醋炒壹兩

甘草炙半兩

右三味細剉每服四錢匕水一盞半煎至一盞去滓入芒消一錢匕攪令勻更煎三兩沸溫服

治傷寒日數過多心中氣悶或發疼痛狂言不定煩躁不得眠大小便不通柴胡大黃湯方

芫胡去苗

大黃濕紙裹煨

朴消

枳殼去瓢麩炒各壹兩

甘草炙剉半兩

右五味麤搗篩每服五錢匕水一盞半煎至一盞去滓溫服日三服不可過多若大小腸通則汗自出

治傷寒脉大躁伏熱宣毒散方

大黃剉炒

甘草炙剉各半兩

朴消研壹分

牽牛子壹兩半生半炒

右四味搗羅為散每服二錢匕用龍腦膩粉蜜水調下一方鍊蜜為丸如梧桐子大每服十五丸用龍腦膩粉水下

治傷寒八九日大便不通心神悶亂小黃芩湯方

黃芩去黑心壹兩

大黃剉炒貳兩

枳殼去瓢炒

大腹剉醋炒各壹兩

右四味麤搗篩每服三錢匕水一盞煎至七分去滓

不計時候溫服如人行三五里未通再服以利為度

治陽盛發狂有斑大小便秘澀大青散方

大青

知母

黃芩去黑心

大黃煨

山梔子

升麻

黃連

去須各壹兩

甘草

炙剉半兩

右八味搗羅為散每服三錢匕入朴消一錢匕用蜜

水調下

治傷寒時氣溫熱病大便不通承氣丸方

大黃

剉炒參分

郁李人

湯浸去皮研

枳實

去瓢麩炒

朴消

研各壹兩

右四味搗研為末和勻鍊蜜丸如梧桐子大每服三

十丸生薑湯下未利再服不計時候

傷寒可吐

論曰諸病吐之而愈者邪在胸中也傷寒大法謂四日以上若入陰經其傳未深邪氣高而裏實客於胸膈下之則動胃發之則亡陽唯宜吐而出之然亦不必拘此凡寒邪熱毒痰實在胸中者及有宿食在胃脘者皆當吐之但診其脉寸口或浮或滑或數或緊與諸部不同者其證胸心痞滿鬱鬱而痛不能息多涎唾飲食入則吐欲吐復不能出或手足厥冷反心下滿而煩飢不能

食吐下後心中懊懣者是也內經所謂其高者因而越之即其法也

治胸有寒病如桂枝證頭不痛項不强寸脉微浮胸中痞鞭氣上衝喉咽不得息當吐之瓜蒂散方

瓜蒂熬赤小豆各壹分

右二味各搗篩再和勻每服一錢七豉一合湯七合

先漬之須臾煮作稀糜去滓取汁調散放溫頓服不

吐少少加之快吐為度諸亡血虛家不可與

治傷寒三四日胸中痰壅憎寒壯熱頭痛撩膈湯方

桃枝壹握東引柳枝壹握甘草壹分

烏梅去核參枚山梔子人壹分

右五味各細剉同用漿水一大盞半煎至一盞去滓

空心分為二服相次再服取吐為度

服前撩膈湯吐後頭痛壯熱未退即服此三物湯方

薄荷壹握人參半兩生薑切壹分

右三味用水一大盞煎至半盞去滓空心溫服晚再

服

治傷寒四日毒氣入胃喉中閉悶吐痰散方

瓜蒂微炒丁香各壹分赤小豆

右三味搗羅為散每服一錢七空心溫水調下當吐

下後便可煮葱豉粥補之

治溫病胸中滿悶取吐方

豬膽參 苦酒貳

右二味同攪勻綿濾過頓服未吐再服

治傷寒四日已上嘔逆苦參散吐方

苦參

右一味為細散每服三錢匕溫酒五合調服之即吐

治傷寒四日後太陰初受常山湯吐之方

常山

鼈甲

去裙襴 醋炙

石膏

碎

茈胡去苗

知母

焙

甘草

生剉各半兩

右六味麤搗篩每服三錢匕水一盞入竹葉二七片

同煎至半盞去滓溫服當吐涎沫後却服和氣湯藥

治傷寒出汗後心胸妨悶煩熱未退人參湯吐方

人參兩半

燈心

壹小束

枳殼

去麩炒壹分

大腹皮

壹枚剉

茶末

貳錢

生甘草

右六味除茶末外各細剉用淡漿水二大盞煎至一

盞去滓下茶末攪勻分溫二服以紙撚子於咽喉中

引取吐為度

傷寒可溫

論曰傷寒病雖有三陰三陽然在陽則太陽病多在陰

則少陰病多以二經為表裏故也至於陽明太陰病頗稀少而少陽厥陰病又少也然究觀古人治陽明則多下於少陰則多溫蓋陽明者胃也胃受病則不惡寒反惡熱濺濺汗出大便秘讞語潮熱須下之乃愈若乃氣弱本虛人初中病腠理寒邪氣更不經三陽而便見少陰證蓋少陰者腎也腎受病則身冷惡寒四肢厥逆脉微細心煩但欲寐或自利而渴須溫之乃愈雖然三陰病大約可溫而古人特於少陰詳言之者則少陰病尤宜溫故也

治傷寒少陰病得之一二日口中和其背惡寒者當灸

之附子湯方

附子

炮裂去皮臍貳枚

人參

壹兩

白朮

肆兩

芍藥

白茯苓

去黑皮各參兩

右五味剉如麻豆大每服五錢匕以水一斗五升煎取七分去滓溫服日三

治傷寒少陰病脉沉者急溫之宜四逆湯方

甘草

炙貳兩

乾薑

炮壹兩半

附子

壹枚生用去皮臍

右三味各剉如麻豆大每服五錢匕以水一盞半煎取七分去滓溫服強人可倍加薑附

治傷寒少陰病下利清穀裏寒外熱手足厥冷脉微欲

絕身反不惡寒其人面色赤或腹痛或乾嘔或咽痛或利止脉不出者通脉加減四逆湯方

甘草

炙貳兩

附子

大者壹枚生用去臍皮

乾薑

炮參兩

右三味各剉如麻豆大每服五盞匕以水一盞半煎至七分去滓溫服其脉即出者愈面色赤者加葱九莖腹中痛者去葱加芍藥二兩嘔者加生薑二兩咽痛者去芍藥加桔梗一兩利止脉不出者去桔梗加人參二兩病皆與方相應者乃服之

治傷寒手足厥冷脉細欲絕其人內有久寒者宜當歸

四逆加吳茱萸生薑湯方

當歸

切焙

芍藥

桂

去麤皮

細辛

去苗葉各參兩

吳茱萸

湯洗焙乾炒

甘草

炙

木通

各貳兩

右七味剉如麻豆大每服五錢匕以水一盞酒一盞

入生薑半分切大棗三枚擘破煎取一半去滓溫服

治傷寒頭疼壯熱恐成陰毒附子飲方

附子

炮裂去皮臍

白朮

各半兩

桔梗

細辛

去苗葉各壹兩

右四味剉如麻豆每服五錢匕用水一盞半煎至七

分去滓空心溫服衣蓋取汗或得吐即差如未吐汗再服

治厥陰傷寒脉弦長者生沉細不足者死宜通關飲方

附子炮裂去皮臍壹兩 乾薑炮 羌活去蘆頭

桔梗 甘草炙 五加皮各半

桂去蘆皮參分 黃耆炙到壹分 防風去叉壹分半

右九味剉如麻豆每服五錢匕水一盞半煎至七分去滓食前溫服日二

治傷寒陰盛身寒脉候沉細頭痛體疼桂心湯方

桂去蘆皮 麻黃去根節 甘草炙

人參各半兩 白朮 杏人湯浸去皮尖雙入炒黃

右七味咬咀如麻豆大每服五錢匕用水一盞半入生薑半分拍碎同煎取七分去滓溫服

治傷寒陰盛手足厥冷體寒脉微回陽湯方

延胡索炒 半夏切生薑汁炒黃 日遂醋炒乾各壹兩

陳橘皮湯浸去白焙 附子炮裂去皮臍 桂去蘆皮

麻黃去根節湯煮去沫焙各半兩 檳榔壹枚

天南星壹枚炮

右九味剉如麻豆每服二錢匕酒八分煎至七分去

滓溫服後一炊頃患人頭面渾身覺熱時便與衣服蓋覆令汗出

治傷寒面青心下堅鞭開口出氣身體不熱頭面多汗四肢厥冷溫白丸方

半夏湯浸去滑切焙

白附子炮

硫黃研各壹兩

右三味搗研為末用粳米飯搗和為丸如梧桐子大每服二十丸溫酒下吐逆炒生薑鹽酒下或艾醋湯下陰毒併喫三五服不計時候

治傷寒伏陰氣胸膈妨悶吐逆不定手足厥冷白朮飲

方

白朮炒

附子炮裂去皮臍

高良薑炮

桂去麤皮

人參

乾薑炮各壹兩

藿香去梗壹分

右七味剉如麻豆每服三錢匕水一盞同煎至七分不計時候去滓溫服

治傷寒四肢厥冷其脉沉細益智湯方

益智去皮

烏頭炮裂去皮臍各壹兩青橘皮湯浸去白燥乾參分

麻黃節去根

乾薑炮各半兩

右五味剉如麻豆每服三錢匕水一盞入生薑三片鹽半錢煎至六分去滓不計時候稍熱服

治傷寒陰證脉候沉細正元湯方

麻黃去根節 陳橘皮去白 大黃生剉

甘草炙剉 乾薑炮 桂去麤皮

芍藥 附子炮裂去皮臍 吳茱萸湯洗拾

半夏湯洗柒徧焙各半兩

右一十味剉如麻豆每服二錢七水一盞入生薑三

片棗二枚煎至七分去滓熱呷以衣被蓋覆取汗未

汗如人行五里再服或連喫三服汗出立差

治傷寒手足逆冷脉息沉細頭疼腰重退陰湯方

烏頭炮裂去皮臍 乾薑炮各半兩

右二味麤搗炒令轉色放冷再擣篩每服一錢匕水

一盞鹽一捻煎至半盞去滓溫服

治傷寒渾身手足厥冷面青唇口無色心中寒慄吳茱

萸散方

吳茱萸湯洗焙炒 硫黃研 桂去麤皮

附子炮裂去皮臍 芎藭各壹分

右五味搗羅爲散煎艾葉湯調下三錢七陰盛者兼

灸氣海數十壯

治傷寒陰盛隔陽身冷煩躁脉細沉緊黑龍散方

附子壹枚及半兩者燒存性用冷灰焙去火毒

右一味搗極細入臘茶一錢匕和勻分作二服每服用水一盞蜜半匙同煎至六分放冷服須臾躁止得睡汗出為效

治傷寒陰盛手足多冷脉沉細助陽消陰返陰丸方

硫黃

消石

陽起石

太陰玄精石

白礬

石膏

各半兩碎

黃石六味研為末同入銚子內熬成汁為度放冷細研

用水浸炊餅為丸如梧桐子大煎艾湯下十五丸

治陰盛傷寒身體疼痛青白散方

石膏

半斤為末

乾薑

炮

烏頭

推碎

一錢匕水

烏頭

推碎各壹兩以上味先用鐵器盛石膏燒通赤次入參味用杵合定不透氣候冷

同衆藥搗研

麻黃

去根節

藿香

去梗各壹兩

皂莢灰

自然銅

燒通赤醋淬柴徧各半兩

右八味搗研為細散每服一錢七空心食前溫酒調下如痰氣傷寒艾茶煎湯調下

治傷寒四肢厥冷脉微自汗心胸痞滿返陰散方

陽起石

石膏

寒水石

參味同燒令赤出火

毒細研入諸藥

附子

炮裂去皮臍

乾薑

炮

甘草

炙剉各壹兩

硫黃

研半兩

右七味搗研為散每服二錢匕生薑汁溫水調下陰

毒併服之

治傷寒憎寒壯熱頭痛膈悶四肢疼倦附子湯方

附子炮裂去皮臍半兩 白茯苓去黑皮 人參

細辛去苗葉 芫胡去苗 陳橘皮去白焙各壹兩

甘草剉 厚朴去麤皮生薑汁炙 莎草根須去

黃耆剉 赤芍藥各半兩

右一十一味剉如麻豆每服二錢匕水一盞入生薑

五片棗二枚擘同煎至六分去滓溫服不拘時

治傷寒表裏未解榮衛氣逆手足厥冷上喘陰證或霍

亂吐瀉非時腹脹及年高榮衛虛弱藏府不和膀胱緊

急腰骭痹痛及婦人產後勞冷等疾均氣湯方

白朮米泔浸細剉焙乾微炒 天台烏藥細剉微炒各壹兩

人參 青橘皮去白炒

甘草剉 白芷各壹兩 白茯苓去黑皮半兩

右七味麤擣篩每服三錢匕水一盞生薑二片棗二

枚同煎至七分去滓溫服如吐逆入藿香少許

治傷寒陰盛四物桂枝湯方

桂去麤皮 麻黃去根節各參分 附子炮裂去皮臍壹兩

乾薑炮壹分

右四味咬咀如麻豆大每服五錢匕用水一盞半入

生薑半分切棗三枚擘破同煎至八分去滓不拘時
候溫服

治傷寒服冷藥過多心腹脹滿脚膝厥冷昏悶不知人
桂心湯方

桂去麤皮厚朴去麤皮生薑汁炙各參分

芍藥壹兩乾薑炮檳榔剉各半兩

右五味麤擣篩每用五錢七水一盞半煎取八分去
滓入童子小便一合攪勻空腹分溫二服

治傷寒四肢厥冷蒸熨方

吳茱萸湯洗焙乾參升

右一味用溫酒浸令通濕以生絹袋二箇盛蒸令極
熱取茱萸袋子更互熨四肢前後心及手足心候氣
通徹即止

又用藥熨氣通暢後宜服此方

人參壹兩生薑煨切貳兩

右二味各細剉用水一盞半煎至八分去滓分溫二
服如食頃再服

傷寒過經不解

論曰傷寒為病六經受邪始傳於三陽病在表者可汗
其滿三日傳於三陰病入裏者可下其不兩感於寒更

不傳經不加異氣者至七日太陽病衰頭痛少愈八日陽明病衰身熱少歇九日少陽病衰耳聾微聞十日太陰病衰腹滿減如故十一日少陰病衰渴止舌乾而噎十二日厥陰病衰囊縱少腹微下大氣皆去病人精神爽慧也故傷寒愈者皆在十二日若過此經病猶不解者為邪熱結於裏其狀或譫言妄語或鬱鬱微煩或腹滿吐下皆緣治之失宜邪氣稽留故病過經不能解也當隨其證以治若更感異氣變為他疾者當依壞病法藥之

治傷寒十三日過經譫語者有熱也當以湯下之若小

便利者大便當鞭而反下利脉調和者知醫以丸藥下之非其治也若自下利者脉當微厥今反和者此為內實也調胃承氣湯方

大黃肆兩去皮酒洗 甘草貳兩炙

右二味剉如麻豆每服五錢匕水一盞半煎至七分去滓入芒消一錢匕更煎一兩沸放溫頓服

治傷寒過經不解熱結在裏往來寒熱煩渴躁悶犀角湯方

犀角屑兩壹 芫胡去苗 吳藍各參分

大青 升麻各壹兩 烏梅去核

黃芩去黑心 甘草炙

右八味麤搗篩每服五錢匕水一盞半入竹葉三十

片煎取七分去滓食後溫服

治傷寒過經半月不解鼈甲湯方

鼈甲去裙襴 芫胡去苗 升麻各壹兩

烏梅去核 枳實去瓢 犀角屑

黃芩去黑心 甘草炙

右八味麤搗篩每五錢匕水一盞半煎至七分去滓

下地黃汁二合攪勻食後分溫二服

治傷寒十三日過經不解臍腹脹滿小便淋澀煩悶躁

渴木通湯方

木通剉 葛根剉 青橘皮湯浸去白鹽炒

檳榔剉 滑石 瞿麥穗各壹兩

右六味麤搗篩每服三錢匕水一盞入葱白三寸同

煎至六分去滓溫服不計時候

治傷寒過經心胸痞滿煩躁狂言積熱毒氣及婦人血

風血氣經候不調寒熱有積萬應散方

甘遂連珠者 威靈仙去土 五靈脂各壹兩

右三味搗羅為散每服一錢匕如傷寒日數多有積

熱者用雞子清蜜水調下如婦人前件病證者綿灰

酒調下尋常熱氣蜜水調下冷即用葱湯調下陽毒
 積熱入膩粉白丁香各半錢生薑汁蜜水調下
 治傷寒發汗下之後過經不解胸脇滿結渴而不嘔但
 頭汗出往來寒熱小便不通柴胡湯方

柴胡

去苗 貳兩

桂皮

去麤 伍兩

黃芩

去黑心 各壹兩

牡蠣

生用 貳兩

甘草

炙各 半兩

枳椇根

壹兩

木通

剉壹 兩

右七味麤搗篩每服五錢匕水一盞半入生薑半分
 拍碎葱白五寸同煎至七分去滓食後溫服
 治傷寒過經不解三焦滯悶身重疼痛保安散方

黃耆

剉

木通

剉

青橘皮

湯浸去 白焙

桑根白皮

剉

白朮

陳橘皮

湯浸去 白焙各半兩

木香

參分

黑牽牛

壹兩炒搗 取末半兩

右八味搗羅為散每服三錢匕濃煎棗湯調下

大德重校聖濟總錄卷第二十一

本入宋徽宗食符野思二錄

木香

白木



